



BUNREACT FEACTAS

ÓG- GHLUAISEACT NA GAEILGE

Faomhaithe ag Coiste Stiúrtha Feachtas 27 Iúil 2015

Feidhm agus Comhdhéanamh

1. FEACHTAS IS AINM DON ÓG-EAGRAS: ÓG- GHLUAISEACHT NA GAEILGE.
2. Is iad cuspóirí an eagrais:
 - a) An Ghaeilge a chur chun cinn i measc daoine óga.
 - b) Cuidiú le forbairt phearsanta is sóisialta an duine óig.
 - c) Cuidiú chun chomhlúadar Gaelach a thógáil.

Is iad seo a leanas misean, Fís agus Luachanna an eagrais:

Misean:

An Ghaeilge a chur chun cinn i measc daoine óga agus tacú lena bhforbairt phearsanta agus shóisialta trí chlár fiúntach, taitneamhach agus dúshlánach a chur ar fáil i gcomhpháirt leis na daoine óga.

Fís:

Go spreagtar daoine óga, trí rannpháirteachas in imeachtaí Feachtas, bheith féinmhuiníneach, gníomhach agus bródúil as an nGaeilge agus go mbeidh pobal na Gaeilge níos saibhre dá bharr.

Luachanna:

Tá na luachanna seo ag croílár na hidirghníomhaíochta agus na hoibre a dhéanann muid ar bhonn laethúil in Feachtas:

An Ghaeilge

Is eagrais Gaeilge muid. Is í an Ghaeilge an teanga a úsáidtear i ngach gné dár gcuid oibre.

Daoine deonach

Is eagrais deonach muid faoi stiúir choiste dheonaigh. Dá bharr sin ní dhéantar aon bhrabús. Caitear gach airgead a thagann isteach ar chur i bhfeidhm an chlár oibre.

Rannpháirteachas

Tá rannpháirteachas deonach daoine óga ag croílár obair óige Feachtas. Lorgaíonn muid i gcónaí go nglacann daoine óga páirt ghníomhach in imeachtaí agus cúrsaí na heagraíochta ar a gconlán féin. Roghnaíonn siad bheith páirteach chun bualadh le cairde nua, spraoi a bheith acu, a scíth a ligean agus scileanna nua a fhoghlaim – agus gach rud trí mheán na Gaeilge.

Cumhachtú

Oibríonn muid go dian chun go bhfoghlaimoidh na daoine óga, oibrithe deonacha agus foireann Feachtas scileanna nua ionas go mbeidh siad in ann tionchar dearfach a imirt ar scoil, ina bpobail féin, agus i sochaí na nGaeilge. Anuas air sin, tá sé mar aidhm againn tuiscint a thabhairt ar chearta teanga agus cur ar chumas na ndaoine óga páirt ghníomhach a bheith acu i saol na nGaeilge.

Meas

Léirítear meas ar gach duine óg agus gach ball foirne in Feachtas. Tá meas ar gach duine aonair agus a gcuid láidreachtaí, suimeanna agus pearsantachtaí ar leith. Déanann foireann Feachtas gach iarracht ionracas, dearcadh dearfach, comhoibriú, féinmheas agus meas ar a chéile a léiriú ina gcuid oibre.

Forbairt

Leagann muid béim faoi leith ar fhorbairt phearsanta agus shóisialta an duine óig in Feachtas. Cuirtear clár fiúntach, taitneamhach agus dúshlánach ar fáil i gcomhpháirt leis na daoine óga, a bhfuil sé de sprioc aige scileanna agus eolas a sheachadadh ar bhonn céimnitheach.

Timpeallacht shábháilte chompórdach

Déantar gach uile iarracht timpeallacht shábháilte chompórdach a chur ar fáil chun sábháilteacht fhisiceach agus mhothúchánach daoine óga a chosaint. Tá muid tiománta do chosaint, do shláinte agus d'fholláine an duine óig a ghlacann páirt i gcláir agus in imeachtaí na heagraíochta.

Comhionannas

Cuireann muid an comhionannas chun cinn inár gcuid oibre agus léirítear an meas céanna ar gach duine óg. Bíonn Feachtas ag dréim le heispéireas fiúntach a chur ar fáil do dhaoine óga ó gach cúlra sóisialta, cultúrtha agus eacnamaíoch.

Ilchineáltacht

Tá gach duine óg éagsúil óna chéile, le mianta, tuairimí agus riachtanais éagsúla. Aithnítear é seo in Feachtas agus déantar ceiliúradh air. Cuireann muid fáilte roimh gach duine óg a bhfuil suim acu sa Ghaeilge.

3. Is mar a leanas atá comheagraíocht FEACHTAS.
 - a) Baill.
 - b) Clubanna Óige
 - c) Coiste Ceannais
 - d) Cruinniú Chinnbhliana

a) Baill

4. Is gnáthbhall d'FHEACHTAS aon duine óg idir 11 agus 18 (nó atá fós ar an meánscoil) atá cláraithe tríd an gClub Óige áitiúil leis an gCoiste Ceannais nó atá cláraithe mar Bhall Aonarach leis an gCoiste Ceannais.
5. **Íocadh gach ball táille ballraíochta lena chlub féin nó i gcás Baill Aonaracha leis an gCoiste Ceannais. Beidh an táille ballraíochta nó cleamhnachta bliantúil sin le hÍoc ag gach chlub leis an oifig ceannais.**

6. Tá sé de dhualgas ar gach ball an Ghaeilge a úsáid de réir a gcumas ag gach imeacht.
7. Tig leis an gCoiste Ceannais ballraíocht a bhaint de bhall ar bith a tharraingíonn droch-chlú ar an eagrais.

b) Clubanna Óige Feachtas

8. Ní mór cúigear gnáthbhall ar a laghad a bheith i gClub Óige.
9. Tá stiúradh an Chlub Óige faoi chúram na nGnáthbhall le treoir ó na Ceannairí Ógra agus Príomh cheannaire.
10. Ní mór do Chlubanna Óige Feachtas gach gnó inmheánach a dhéanamh trí Ghaeilge.

11. Dualgais an Chlub Óige:

- A.** Seisiún chlub rialta (ar a laghad uair sa mhí) a eagrú, **seachas i rith an tSamhraidh.**
 - B.** Treoir dhlísteanach ón gCoiste Ceannais a chomhlíonadh
 - C.** Cuspóirí Feachtas a chomhlíonadh.
 - D.** Cruinniú cinnbhliana a reachtáil uair sa bhliain chun
 - I. Léirmheas a dhéanamh ar obair na bliana atá thart.
 - II. Plean oibre le haghaidh na bliana dar gcionn a réiteach.
 - III. Glacadh le cuntas airgead bliantúil an Chlub.
 - IV. Cuntas airgid bliantúil a chur ar fáil don oifig.
 - E.** Polasaí an eagrais a chur i bhfeidhm maidir le cúram leanaí.
12. Tá sé de dhualgas ar gach chlub óige FEACHTAS príomhcheannaire agus ar a laghad beirt ceannairí ógra eile a bheith acu. Ní mór do gach ceannaire a bheith os cionn 18 bliana d'aois.
 13. Níl sé ceadaithe ag aon chlub óige Feachtas clárú mar aonad le heagrais eile seachas Feachtas.
 14. Tá sé de dhualgas ag ceannairí ó ghach chlub óige bualadh le chéile ar a laghad uair sa bhliain.

c) Coiste Ceannais.

15. Beidh an Coiste Ceannais freagrach as stiúradh an eagrais ó Chruinniú Chinn Bhliana go Cruinniú Chinn Bhliana. Is iad feidhmeanna speisialta an Choiste Ceannais:

- i. Foireann a cheapadh
- ii. Socruithe na cruinnithe a chur i bhfeidhm
- iii. Cinntiú go gcuirfear polasaithe an eagrais i bhfeidhm.

16. Ceapfaidh an Cruinniú Chinnbhliana an Coiste Ceannais. Ar an gCoiste Ceannais beidh:

- a) Cathaoirleach atá tofa ag an gCruinniú Chinn Bhliana
- b) Daoine a ainmneoidh an Cathaoirleach thar ceann an Choiste Ceannais agus a bhfuil glactha ag an gCruinniú leo.
- c) **Ar a laghad beirt ceannairí ógra atá tofa ag na ceannairí ógra.**
- d) Leas Chathaoirleach
- e) Rúnaí
- f) Cisteoir
- g) Oifigeach Cúram Leanaí

*Féach Aguisín 1 le haghaidh cur síos ar rólanna na nOifigí

17. I gcás folúntais ar an gCoiste Ceannais, beidh cumhacht comhthoghadh ag an gCoiste Ceannais.

18. Uair amháin gach dhá mhí ar a laghad, a thionólfar cruinnithe an Choiste Ceannais. Ní mór leath an Choiste Ceannais a bheith i láthair chun go mbeidh cinntí an chruinnithe dleathach.

19. Toghfaidh an Coiste Ceannais Fochoiste Foirne ag an gcéad chruinniú tar éis an Chruinniú Chinn Bhliana. Deileáilfidh an Coiste Foirne le gach gné den fhostaíocht. Is iad seo a leanas a bheidh ar an gCoiste Foirne:

- I. Cathaoirleach an Choiste Ceannais
- II. Duine nó beirt eile le hainmniú

20. Is iad seo a leanas feidhmeanna an Chruinniú Chinn Bhliana:

- A. Staid FEACHTAS a scrúdú agus a mheas
- B. Forbairt na bliana atá le teacht a phlé
- C. Rúin a mheas agus moltaí a chur ar aghaidh
- D. Cuntais Iniúchta a scrúdú agus a cheadú
- E. Iniúcháin a cheapadh
- F. Coiste nua a cheapadh

G. Moltaí cruinnithe na gceannairí a phlé

21. Is iad a bheidh i dteideal freastal ar an gCruinniú Chinn Bhliana le cead vótála:

- i. An Coiste Ceannais
- ii. **Beirt Ionadaithe ó ghach club Óige. Ceannairí nó baill.**

22. **Tá cead ag níos mó ná beirt ó chlub freastail ar an gCruinniú ach ní bheidh cead vótála ach ag an mbeirt tofa.**

23. **Tig le ceannairí seasamh don Choiste Ceannais agus don Chathaoir ach iad a bheith ainmnithe ag a gcomhghleacaithe**

24. **Vóta singil inaistrithe a bheidh in úsáid i dtoghcháin.**

25. I gcás ruin a bhaineann le leasaithe bunreachta ní mór aontú dhá dtrian den Chruinniú Chinn Bhliana a fháil ar dtús sula gcuirtear i bhfeidhm iad.

26. Is ag an gCruinniú Chinn Bhliana amháin a dhéanfar athruithe ar an mBunreacht.

27. Is é an Coiste Ceannais údarás mínithe an Bhunreachta.